

近代中國史料叢刊續編第三輯
沈雲龍主編

懷冰室集

王韶生撰

文藻出版社有限公司印行

中華民國六十三年六月影印版

近代中國史料叢刊續編 第三輯

精裝：十冊

定價：新台幣



主編者：沈

雲

龍

發行人：李

振

華

臺北縣永和鎮中興街99巷8號

出版者：文海出版社有限公司

郵政劃撥戶第二七八四號
電話：九二二六五九號

印刷者：金氏印刷有限公司

臺北市長安東路二段66號

經銷者：全省各大書局

本公司經內政部核准登記證為內版台業字第〇八〇〇號

東今雨軒宴集序

流觴曲水逸事播於蘭亭置酒高臺古詩激於
樂府園名桃李酒仙序春宴之篇池傍芙蓉以幹著
夜遊之句况復負笈千里同舍六年嚶鳴求友之聲攻
錯藉他山之助瑚璉之器琢磨賴於良工樗櫟之材斧
斤施乎巨匠昔者康成東去承經學於扶風仲立南歸
爰心學於明道射剡昆之筮首與習禮容賦玉式之驍歌
轉借別情年暮試磁聊開北海之樽勝地偕臨共載東
園之酒維時朦朧埋漆柳色青之潭龍吼光花陰冥冥

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



懷冰室集

羅序

羅香林

往者余於廣州。主持市立中山圖書館事。嘗以謂近世粵人。志業文章。照耀寰宇。因欲益徵諸賢著述。滙爲廣東文庫。以備中外研考。顧徵集部別。必於諸賢造詣。先爲通識。方易措力。因乞教於前同事國立中山大學教授豐順李滄萍先生漢聲。李先生以詩古文辭著稱。爲前輩黃晦聞先生節。所特推許。而又致力於鄉邦文獻。其高齋所藏。幾與番禺徐信符先生紹榮南州書樓相埒。李先生隨舉所知告余。顧臨別特語余曰。如漢聲者。何足道哉。邑士王懷冰先生韶生。今任教省立勸勤大學教育學院。其人其學。其詩若文。醇誠至矣。子盍訪之。必有所得。余心儀之。而默識焉。會抗戰軍興。廣州緊急。余奉命將館書。舶運而西。寄藏於桂平及象縣等地。余隨轉任中山大學教授。西遷雲南潯江。而勸勤大學教育學院。亦改爲廣東省立文理學院。隨遷粵北與西江羅定及東江興寧等地。余自是展轉於西南各省。廣東文庫。不克設立。惟此心耿耿。則未嘗一日忘也。抗戰勝利。百粵重光。余受命出任爲廣東文理學校長。即將學院自羅定與興寧等地。遷回廣州。以石榴岡原校。先爲日軍所燬。未遑修葺。乃權假廣州光孝寺。暫爲校址。而王懷冰先生與諸教授等。亦返至廣州。余相見恨晚。即乞王先生以中國語言文學系教授。兼任訓導

長事。時局勢初定。學校於擴充設備。部署復課。與安置員生等。百端待理。所可依與商討肆應者。惟王先生與陳子明先生亮。陳伯尹先生粵人。及袁飛翰先生等數教授而已。而王先生更以學術道誼。爲學子所信仰。因以宣導祥和。學術研究。固獲持續不墮。而校風之整頓。則更賴維繫焉。於以見曩歲李滄萍先生所謂醇誠之至者。非僅於徵集粵賢著述可爲資以識別。卽於立學化民。亦可引爲儀軌也。無何。大浸稽天。神州板蕩。余與王先生等。亦遂避居海隅。仍以文史之學。講授上庠。而王先生更於崇基學院。教澤日溥。成就日衆。其學術文章之全體大用。亦遂益明於世焉。君子之道。集義而懷仁。博文而約禮。自勵而立誠。去僞而崇實。是故始發而若艱。終振于無竟。始焉而若闕。終焉而大昭。吾於王先生。而獲證之矣。此者。前文理學院諸師友留港同人。與崇基學院諸畢業同學。謀爲王先生刊印其詩文集。以余與王先生相知逾三十年。特屬爲文弁首。余學殖荒落。胡克以序王先生醇誠至文。然回思昔日所聞於李滄萍先生者。與其在詞林共事之雅又安敢不爲一言。以誌其景佩乎。是爲序。民國六十年五月二十五日。羅香林敬撰於香港。

目 錄

羅序	
文篇	一—九一
詩篇	九二—一二二
詞篇	一二三—二三九
林跋	二四〇
陳跋	二四一

懷冰室集文 甲編

來今雨軒宴集序

流觴曲水。逸事播於蘭亭。置酒高堂。古詩徵於樂府。園名桃李。謫仙序春宴之篇。池傍芙蓉。公幹著夜遊之句。況復負笈千里。同舍六年。嚶鳴聞求友之聲。攻錯藉他山之助。瑚璉之器。琢磨賴於良工。樗櫟之材。斧斤施乎巨匠。昔者康成東去。承經學於扶風。中立南歸。受心傳於明道。射劉昆之菟首。共習禮容。賦王式之驪歌。轉增別緒。華筵試啓。聊開北海之樽。勝地偕臨。共載東園之酒。維時朦朧煙景。柳色青青。潭拖風光。花陰冥冥。春禽弄韻。挾好風而俱來。朝雨如酥。挹輕塵其若洗。清談客坐。暢正始之玄風。侍立崇階。聆石渠之緒論。蘭陵祭酒。德星聚於一隅。稷下先生。物望屬乎中外。欣開錦宴。上瑤瑪之春盤。醉倒金樽。進葡萄之美酒。和羹品味。小試和梅。隔坐聞歌。恍同折柳。峨冠芒屨。東門祖餞之圖。春水綠波。南浦送行之賦。憶昔關山赴道。京洛偕遊。學厲三餘。科程四部。北庠聽講。經神私淑於鄭君。東序論文。師說服膺於吏部。曉風殘月。酣歌柳永之詞。漢隸秦碑。默識楊雄之字。立宗樹義。慕莊周齊物之文。命意遺詞。悟班固幽通之旨。學海無涯。猶須孟晉。前修未遠。敢事遲疑。且夫田何歸去。卜易道之東行。靈恩遠來。知禮宗之南衍。抗懷古哲。甯讓當仁。猶期鹿洞鵝湖。不忘講

學。鯉書雁帛。時寄相思。雖春秋代序。漸凋鏡裏之顏。而惠敏交遊。猶識夢中之路。爪留泥雪。鴻飛甯計乎東西。翼奮天池。鵬運各圖於南北。謹序。

逶園夜宴序

清風白月。海國長春。銀盞玉缸。醉鄉不夜。每思文舉。應傾北海之樽。還愧仲宣。來作中郎之客。於時華燈吐艷。筍上春盤。台榭生涼。瓜浮寒水。十千美酒。化入愁腸。數尾江魚。可以佐饌。既醉既飽。載笑載言。逸興遄飛。清談無礙。思深慮遠。壺中之日月正長。霧鬱雲蒸。檻外之風濤彌壯。嗟呼。中原北望。氣湧排出。今雨南來。情深觀海。有不觸景而成文。因文而生情者乎。雄深弗似。未能排異之辭。清麗爲隣。且屬譙遊之作。

柳柳州年譜補訂序

柳州年譜。向有文安禮編訂本。載於粵北堂叢書中。與呂大防所編之韓文年譜並錄。蓋卽後人所稱韓柳年譜也。惟原書僅以考訂二公文章成稿之年月爲主。對於事實。未免忽畧。昔子輿氏有言。誦其詩。讀其書。不知其人可乎。是以論其世也。韓柳聲名滿天下。然知二公生平之志事者蓋寡。不有闡關。何知雅懷。發幽德於潛光。望北辰而拱立。余曷敢不勉焉。韓公年譜。其後洪興祖爲之補訂。昌黎之志事顯矣。惟柳州懷抱利器。遠竄南服。一斥不復。齎恨而終。論者每

以其黨附叔文。多所貶損。雖賢如畏廬老人。亦不免持偏激之論。至以佩之詩來相比附。其他則又何說。夫士君子之立身。自有本末終始。當其斧柯假手。雷雨經綸。造福蒼生。利濟天下。固不必拘牽舊文。因喻失義也。不幸而觸怒時宰。遷謫湘南。效屈子之芳菲。懷賈生之雅潔。著書自遣。筆下千言。弔水登山。牢籠百態。其詞亦閎美矣。嗟呼。此蓋不得志於時者之所爲也。余昔在燕京。閒散無事。撥拾陳編。成柳州年譜補訂一卷。今因刊佈有日。謹著其大概於此云。庚午孟夏。王韶生序。

端蒙學校二十五週年紀念刊發刊辭

原夫明倫弼教。首歸庠序之功。敬業樂群。宜重師儒之道。故童蒙求我。易理極致精微。樂育爲懷。風詩復揚厥義。目今甘棠勿拔。南國風化云行。寶書流傳。中原文獻有作。用彰先美。以迪後人。此本校二十五週年紀念刊所由昉也。荀子有言。椎輪爲大輅之始。積水爲層冰之漸。物既有矣。事亦宜然。試溯締造之難。端資群力。若論守成之重。誠任仔肩。在昔文翁興學。西蜀多俊彥之才。朱子傳經。南宋多節義之士。孝弟之教既申。忠信之品克立。力除佻撻。心體至誠。此數者教之所由興也。今茲金鎔少伯。應知煙水忘機。豈特絲繡平原。只覩芳儀在望而已哉。至於前賢設計。首重條規。時術專攻。兼資律令。史遷作史。網羅百代之聞。班固成書。足就一家之業。數典忘祖。宜招大雅之譏。論世觀人。差免小知之累。述而不作。存而不論。嘗聞

呂覽著成。重金不易隻字。淮南寫就。鴻烈無愧是稱。豈不以其辨章流別。務窮耳目之思。比事屬辭。抒寫心靈之蘊。故知聲宏者實大。如待扣之洪鐘。膏沃者光華。似將融之銀燭也。不慧膚受末學。固陋無文。掌教茲邦。息陰海國。昔遭風木之悲。今值黍苗之痛。豈有好懷。以酬佳士。畧抒淺語。並質高明。從今一紙流行。或邀雞林之譽。萬言立就。少增獅島之光。文浩瀚而無涯。義傾輸而不盡。庶幾華國。諸侯鴻裁。

新嘉坡中華總商會籌賑特刊序

玄黃血戰。天既啓其殺機。皂白難分。人亦罹斯慘禍。念梵天之一劫。悲智雙修。效王命之三驅。壯懷激烈。當藩陽既陷之後。淞滬鏖戰之時。桓桓武士。濺血以染山河。肅肅征夫。斷頭以衛國土。嘆精忠之可仰。要傷亡而實多。讀李華之賦。縷亭增夜哭之魂。誦屈子之歌。原野伏殺傷之士。或折其股。或喪其元。或貫其胸。或洞其腹。雖死者無恨。已含笑於沙場。而生者有知。尚呻吟於枕席。慈雲未佈。甘露誰施。此死士之有待於撫卹。而傷兵之有待於醫治也。至若兵火流離。家人相失。牆垣頓擗。荆棘參天。或如失陣之鴻。或如喪家之狗。或如釜中之魚。或如幕上之燕。無衣卒歲。呼飢號寒。啼鳥驚心。吞聲飲恨。關山難越。同悲失路之人。湖海棲遲。尚念離群之客。此災區難民之有待於急賑也。商會諸公。好行其德。辦理賑務。素著賢勞。月之中旬。發起遊藝。會期三日。歆動一坡。翩然裙屐。群登不夜之城。疾走雷車。環繞五都之

市。於時燈火輝煌。夜色麗妍。貨物雲屯。皆富商巨賈報效之品也。管弦咿啞。皆樂師名伶清唱之音也。舞態蹁躑。盈盈可掬。劇情婉轉。楚楚動人。吾知軫念靖王聞樂之對。應興墨翟摩頂之思。好善者廣種福田。利仁者共襄義舉。傳曰救災卹鄰。易云稱物平施。於斯有焉。豈徒然哉。宣傳股主任編纂特刊成。徵序於余。義不獲已。弔金甌之殘缺。尙有餘悲。痛上國之凌夷。應多感慨。請誦鵲鳩之句。言念中原。共廣棠棣之篇。有如皎日。民之望也。國之福乎。壬申季春。王韶生謹序。

新嘉坡大世界國貨展覽會特刊序

蓋聞黃帝興制作之文。周官明考工之法。故舟車文物。實肇始於中華。而梓匠輪輿。亦詳規於六典。自時以降。與歲不同。或因地而產奇。或因人而倍巧。吳戈鋒銳。既見稱於楚辭。魯般多能。況流傳於載籍。固不止周鼎湯盤。咸稱典雅。玉杯象著。競號奢華而已。然而中土申禁淫巧。西歐競尙新奇。彼此之風尙既殊。入我之進步各異。一則墨守成法。故步自封。一則首重實驗。發明日衆。自十九世紀之頃。工業革新以來。人巧既奪天工。機器復代人力。紡紗之錠子。由數十增至百萬。電機之馬力。由數百增至億千。出品既多。價錢斯賤。推銷海外。爭奪市場。未開發之國家。首蒙影響。手工業之基礎。立見動搖。譬彼漏卮。涓涓不息。有如破甑。岌岌可危。此志慮深長之士。資力雄厚之人。所以遙深感喟。急起直追者也。緣是富商大賈。率投資於

生產。政府官吏。亦來遠而惠工。或廣購機器。或實行織造。或開工冶採。或設會競賽。蓋中國近代工業。始基於同光之間。進展於民國之後。雖未能媲美歐西。要遠軼清末矣。華僑航海梯山。經營商業。披荆斬棘。開闢樂園。身居異邦。心繫祖國。居凡日用。生活必需。莫不樂用土產。以圖挽救利權。溯自國難發生。尤見僑情悲切。倘亦所謂操心也危。慮患也深者乎。然蒸爲風氣。允賴提倡。化及殊方。要資警省。凡我士庶。當無異詞。時維八月。節屆上旬。鴻雁來賓。兼葭縈想。大世界主人。乃舉行展覽以資倡導。紀念刊編者。復印行專號以廣宣傳。雙管齊下。一線相承。用力之勤。良可佩紉。本坡大小僑商。新老字號。羅列出品。欣然應徵。東箭南金之美。北平西藏之產。莫不成集。燦然大備。言錦緞。則來自蘇杭。言瓷器。則製自景德。襯晚裝之輕軟。羅襪生塵。挹高閣之清涼。佳茗解渴。雲鬢濕透。香霧襲人。膏沐誰施。清暉在望。若者如崑山之玉。若者爲赤水之珠。價值連城。光彩耀目。至於橡皮胎輪。任重致遠。葡萄美酒。與子銷愁。凡百器物。難以殫述。故周遊其中。歷覽是間。恍若親覩巴拿馬賽會。而參加芝加哥展覽也。若乃埠上聞人。共襄盛舉。或製圖表。或貽話言。親漫筆則怵目驚心。陳警策則披肝瀝胆。超超元著。洋洋鉅觀。抑亦可覘風會之所趨。人心之所同已。不慧學殖久荒。文筆無似。因有徵言之舉。乃竭枯腸之搜。正恐小技雕虫。貽譏大雅。惟念忠言藥石。聊貢愚忱。從茲工商兩界。合力經營。官民一途。共謀福利。毋壟斷而居奇。毋飲鳩而止渴。飲食不忘國產。效麥唐納之精忠。貿易當決方針。如李士特之縝密。上追古史之光華。遠法歐美之進步。斯祖國

有繁榮之望。世界無凋敝之虞耳。抽毫作序。愧未能纏綿幽渺之詞。覩物興懷。祝實現豐亨豫大之想。

唐克繩先生六十一壽序

古來所稱逸民者。肥遯以鳴高。偃蹇不欲與世接。枕清流。漱白石。不勞智慧。不用機巧。默然守其太玄。其於國家治亂黜陟之源。固無暇措意也。而世之君子高之。列諸史官。傳諸無窮。故於班書也有梅子真。於魏志也有管幼安。所謂奮乎百世之上者。孔子聖之時者也。故宋親周。張三世三統之義。期撥亂而反之治。其救世之志切矣。而不廢逸民之倫。豈不以其言中倫。行中慮。有合於大道之一端哉。我年伯克繩先生。修身絜行數十年。隱居於鄉。夷險不易志。有琴一張。酒一瓢。棋一枰。暇則約鄉黨宗族相與娛樂。種竹栽花。以助其天和焉。先生有至德。深自韜匿。蓋非徒得之於天者獨厚。亦緣其養之者深也。民失禮義。齟齬之事叠出。不得其情。致之法既嫌其烈。於律又文其曲。惟以德理之。斯不言而自化。不勞而自成。彼斷斷相爭不已者。得先生片言開解。嫌怨盡釋。多獲保全。而先生憊然自視。不矜伐其功。夫以先生之德若彼。其心之怛惻慈祥若此。使出而宰一方。則甘棠不足詠。而循吏不足爲矣。先生獨素位而行。不願乎其外。誠可謂深識成敗進退之跡者已。竊聞有陰德者必鑿其報。以及其子孫。吾將於是卜之也。歲在己巳二月。爲先生六十一壽辰。哲嗣仰勳。與余爲同社友。謬相知愛。將稱觴介壽。道其世德如此。余謹著於篇。依于敬穀俾臧之義。以博長者之驩娛。先生聞之。倘亦矍然許可也乎。

譚曉雲先生八旬開一壽序

渤海通以還。南洋群島。突變爲歐亞輻輳之地。物產富庶。人口繁殖。馬可孛羅東方聞見錄之所稱述者。庶幾於此証之。昔日深山大澤。龍蛇出沒之所。蠻煙瘴雨。土著生息之區。今皆闢爲樂土。塵閉撲地。茂樹成陰。別有清夷壯麗之氣。粗獷頑鈍之俗。已無有矣。則信乎人力拓殖之偉也。而吾僑渡海南來者。樂其居。美其俗。亦已百年於茲。有爲之士。堅忍耐勞。乘時奮發。類以貨殖起家。積貲盈千巨萬。若乃富潤其屋。德潤其身者。則譚曉雲先生其人也。先生少長於南洋。壯歲返國受室。依依耦耕。恬然自足。迨後有圖南之志。挾資懋遷。創當業於新加坡。操計然之術。以權子母。不數年業大進。乃開創支店於麻六甲。顏曰萬豐。先生既富。嘗斥金十萬在鄉置產。吾邑大田村。先生之梓里也。其地峯巒秀麗。如屏如。溪水碧綠。阡陌縱橫。雞鳴狗吠之聲相聞。先生建大廈於境中。夏屋渠渠。生齒日益。有良田美池數十頃。以耕以漁。饒山林竹箭之利。歲入累千金。於是先生既富且庶矣。先生寄居南島有年。異方民俗。莫不殫洽。然愛鄉之心。尤極肫摯。此其中可稱述者。平素對於國內外教育慈善事業。來謁者卽揮金相助。不伐其功。固靡論已。往歲吾邑盜匪猖獗。邑里震驚。丁壯者散之四方。老弱者委乎溝壑。岌岌不可終日。先生怒然傷之。亟捐千金助民團購械自衛。所謂披髮纓冠者非耶。其後民團餉械缺乏。將譚氏在郡祖業抵押變賣。先生聞之。變色而作。又捐金爲之理贖。所謂宗子維城者非耶。中庸曰。故大德者。必得其名。必得其壽。先生生平抱璞守眞。雅不欲以名自累。然善人

爲國之寶。則先生克享遐齡。以杖於國。所謂南極老人應壽昌者豈不然耶。時維九月。菊有黃華。正值先生八旬開一壽辰。哲嗣少數君。徵文於余。余適掌教南邦。喁然有慕。因知先生之富壽者。其來有自。碩德處世之風。人子娛親之志。於斯蓋兩得矣。遂書而爲之序。並代侑觴可也。

顧亭林先生祠堂記

煌煌京洛。金元四代之都。濟濟士夫。吳楚八方之會。讀華陽之志。想耆舊於當年。建畿輔之祠。祀先賢於此日。若崑山顧亭林先生者。博學以文。行已有恥。儒宗淵海。泯程朱陸王之歧。樸學椎輪。開戴惠段錢之路。固已春秋泮蠶。崇祀鄉賢。俎豆馨香。禮隆孔庶矣。清道光二十三年。何子貞太史建先生祠堂於京師廣甯門內慈仁寺右。宮牆在望。猶興弟子之嗟。禮器長留。應切魯生之嘆。映階碧草。聽黃鸝隔葉之音。別院高松。爲野鶴營巢之地。精靈實式。奉木主於神龕。遺像猶存。瞻圖畫之道貌。高山仰止。萬脉朝宗。信有然矣。嗟呼。初遊慧地。妙悟華嚴之宗。歷劫人間。欲問毘盧之閣。六榕漫滅。訪逸事於南華。雙柏婆娑。承流風於北國。當日者。先生處明清鼎革之交。丁學術淪亡之際。支持大廈。同蒼水之孤忠。倒障狂瀾。敵船山之淹博。江淮越涉。志結遺民。關塞奔馳。心存國難。謁十三陵之墓寢。感慨興亡。載百二國之寶書。講求利病。此則啓佑後人。猶足矜式者也。韓陵片石。誰題溫鵬舉之碑。嚴瀨崇祠。敢續范希文之記。

嶺學祠記

秦楚之際。五嶺以南。固猶是蠻烟瘴雨之鄉。不得與中土比。自魏晉以還。北人之流寓南中者。夥。披荆斬棘。鑿井耕田。漸積且成樂土。其後謫宦師儒南來者。曉諭其父兄。教誨我子弟。口講指授。品彙甄陶。咸有助於文化。此易所謂離明之地也。余嘗考之古史。尙想見之焉。張文襄公督粵之歲。首建茲祠以奉祭祀。並配以此邦之耆獻。與乎名宦之有學行者。位其先後。以次序立。頗得祀典之義。余往過之。未嘗不肅然起敬。吾聞嶺學源流。以二陳爲大。若白沙之心性澈悟。蘭甫之文行密栗。其影響於當世甚鉅。所嘆息者。則嗣響不作。墜緒茫茫。若涉巨川而未濟。抑又何也。當有明之世。陽明學派。傳佈天下。而有浙中王門。楚中王門。江右王門之分。說者謂其人赤手可搏龍蛇。亦足見其意氣之盛。乾嘉之際。樸學之傳。皖派吳派。相繼踵起。標樹一幟。齊足並馳。惟二先生之學。獨不獲好古敏求之士而稱說之。此則嶺學之厄也。入室堂。豈徒嘆大雅之不作哉。遂書而爲之記。

譚琅玉哀詞

嗚呼。琅玉。而竟然耶。天道無親。常與善人。夫何奪吾琅玉之速也。吾自北來。遊學京師。務記覽。爲詞章。居常益自刻苦。時國內鼎沸。歲無寧日。數月音訊一至。追念昔遊。不勝

有晦明隔歲之感。迨去夏南歸。聞琅玉不幸短命死矣。傷哉。猶憶丙寅春。往訪余友愚生於大田讀易樓。爲文酒之會。琅玉其猶子也。朝夕過從。執子姪禮。意殊親暱。叩其所學。知方治文選杜詩。賞奇析異。摘艷摺華。每云樂此不疲。愚生精內典。持論妙義環生。與余談論。冲融澹沲。琅玉未嘗不屏息諦聽焉。夏五月。余遵海北行。道出鮑江。更訪愚生於礬石中學。留連竟日。礬石面海屹立。泉石清奇。詭狀殊形。如蹲虎怒馬。石罅生小松。幹屈柯橫。伸張似猿臂。山巔石屋渠渠。遙望窗簾明淨。則寄宿之精舍也。斯時琅玉從其叔父讀書山中。意態閑雅。觀余至。煮茗相餉。坐間偶向余論及國難。其見解不爲庸衆所囿。警動沈着。心甚異之。顧以其年稚。不欲遽告之繁蹟之理。以觸其憂傷撫抑。漫應之而已。夫琅玉稟承家學。氣質純粹。其用力於學甚勤。論事特達。信乎能免斯世之累。使天假以年。俾得優遊學問。則將來造詣。甯有涯涘。琅玉旣逝。愚生哭之慟。至不忍展視其遺墨。聞童子呼叔聲。不覺潸然流涕。合爲詞哀之。庶塞愚生之悲。而存琅玉於不死也。其詞曰。頭角開發。何蘄然兮。鬼神幽遠。嗇其年兮。嶷嶷其葉。霜露悴之兮。禮彼殤魂。山巔水湄兮。含哀致敬。以寫余悲兮。

四箴

先君子生於同治壬申。卒於民國庚午。生卒之間。至今匆匆一花甲矣。東郡趨庭。南樓縱目。感念疇昔。曷其有極。爰撫余生平受病之由。作四箴以自儆。示毋忘先君之訓。

急箴

培風負翼。美成在久。蒙莊可懷。伊余寡陋。文難速工。言必擇口。使有謬巧。孰任其咎。易進速退。事乃有悔。曷不少忍。以資韋佩。

癡箴

黃金藥物。美譽空華。厲與西施。曾是比差。胡云眷戀。以取寵譁。誦詩三百。爾思無邪。執禮三千。爾願勿奢。知所本末。道有津涯。

怒箴

木強之人。行與時忤。孰藏孰否。生氣虎虎。氣激傷肝。養生蓋難。荆棘芟除。地濶天寬。憤世嫉邪。君子弗取。變色而作。亂庶遄沮。

簡箴

爾止爾容。毋乃脫易。爾言爾行。衆目所視。儼乎若思。植內以敬。孰由取法。如鼎之鎮。弗重弗威。於斯印證。我思古人。希賢希聖。

懷冰室集文 乙編

新嘉坡端蒙學生日記文選序

日記文學。濫觴於近代。盛行於今日。猶河出崑崙。初若汎濫。迨經河套。出龍門。汎濫停蓄。一瀉千里。頓有觀瀾之感。莊生有言。作始也簡。將畢也鉅。日記在文藝上亦可與傳奇小說分庭抗禮歟。日記者。蓋雜記之流亞也。其初記一人。書一事。有可愕可悲可喜者。在唐宋大家之文中。亦著錄不廢。迨後好奇之士。進德君子。或嚴格而自課。或綴拾而成書。由是宏篇鉅著出焉。若曾文正公日記。若李慈銘越縵堂日記。此其選也。彼其所書。有關乎名臣之言行。有關乎同光之掌故。足補史之闕文。可免於前賢識小之譏矣。若夫載山水之遊踪。記閨房之韻事。屬辭雖溫文爾雅。要無關於宏旨焉。時至今日。日記文學。其殆盛極一時耶。學校以此選述。坊間以此編印。著述之繁。殆有連篇累牘。疊案盈箱之概。是可以覘文學之流變耳。嗟呼。大雅不作。吾衰誰陳。此太白所以致慨。易文言亦云。修辭立其誠。吾懼乎世人曼辭而自飾也。端蒙本屆高級同學。有學生日記文選出版。主任李君谷僧。千里裁書。徵序於余。其言懇且切。爰進而言曰。是集所載。皆數閱月來諸生有恒之成績也。原夫作日記之本旨。在使吾人體念生活上之意義。趨向於明德新民之一途。故易曰。天行健。君子以自強不息。湯之盤銘曰。苟日新。又日新。日

日新。皆其義也。苟明乎此。已足爲進德修業之一助。奚計較於文字之末乎。余息肩半載。聊以文史自娛。豈有芳聞。以纏民思。惟念諸君相愛之誠。生平意氣之感。故用一言。豈其有當。

送薛衡之君留學日本序

薛君衡之。丁卯之歲與余訂交於海上。越三載邂逅於廣州。入知用共事者且一稔。時劉子君實任高中部主任。三人者。志相同而聲相應。蓋莫逆於心也。翌年。余有新嘉坡之行。三載始歸。又半載衡之去而之日本。人生離合之跡如此。其殆前定也耶。瀕行。衡之索余一言爲贈。今之愚者莫我若。余曷足爲衡之益。然追念魯論不忘平生之言。古人縞紵聯歡之義。未敢緘默。用進片言。誠以朋友之交。義在輔仁。相觀而善。或收切磋之益。毋效乎世人之突梯滑稽也。衡之昔官秘書於粵西。受知於呂清夷。復嘗任報館編輯。文筆踔厲風發。橫掃千人。氣甚銳。言甚壯也。及執教鞭於知用。勤苦力學。儉約自奉。其生活爲之一變。衡之平日樹立宏達。畫地而自限。意弗喜。乃以數載積貲所得。東渡日本專攻政治經濟之學。期爲世用。立名於當時。其素所蓄積可知矣。假衡之竟所學。行其志。前途庸可限量耶。余維世之政治家。其措施謀畫。雖有同有不同。有成有不成。然其操守之廉。出處之謹。則古今中外如一。若諸葛武侯所云淡薄以明志。甯靜以致遠兩語。尤爲在野者當奉爲圭臬。人生不朽。途徑實多。要在吾輩自勉耳。抑余聞曾滌生官翰林時。與郭筠仙劉椒雲輩相友善。上下古今。討論德業。有毅然以天下爲己任之志。迨湘軍興。

復與胡潤之左季高諸人相忍爲國。悉心調護。卒底大勛。古人論學取友。其不苟如此。其推誠如此。不其可爲吾輩矜式耶。衡之東渡以後。心胸日廣。其見聞當更博。幸毋以此爲迂儒之說也夫。

丁母張太夫人六十一生日壽序

往余讀劉中壘列女傳。見乎古之賢媛。或則恭儉劬勞。或則惇謹貞靜。淑德懋行。足以叙彝倫。敦風紀。垂爲萬禩矜式。厥後范蔚宗修漢史。亦備載桓孟之事。樹之風聲。昭示來葉。其垂訓蓋深遠矣。高州一郡。建元以來。瑰偉雋特之士疊出。然相之益之。鞠之育之。則大有賴於妻道也。母道也。余聞友人景均稱述太夫人懿行。益信前言之有徵。太夫人茂名張澄溪先生之長女。年十七來歸敬持先生。其事姑也祇敬。其處妯娌也婉順。淑嫻幽嫻。鄉人交口美之。敬持先生任職高郡中學歷十餘載。萃心教育。昕夕鮮暇。家政一委之太夫人。以修以理。迨敬持先生捐館。太夫人夔境備嘗。貞持自若。父師之職。叢集一身。每當景均昆季負笈遊學。輒勗以立志敦品。膏火之資。供給無匱。今景均畢業廣東高師。景堪畢業北平師大。服務穗垣。有聲於時。此皆太夫人訓導之力也。今年孟冬爲太夫人六十一壽辰。余旣承同人之屬。爲之序。託於因事致敬之義。而明康強逢吉。美意延年。天之報施於賢母者。可操左券。若夫梅蕊介眉。和聲鳴盛。而羅拜堂下輩。若舞綵者。若執轡者。若扶杖鳩鳳雛行者。太夫人環顧而樂。當必輟然而哈。陶然而醺者矣。

吳少蓬先生八十壽序

莘陂吳少蓬先生。履德含和。福澤崇永。甲戌六月二十二日。實八十初度之辰。哲嗣逸志君徵序於余。余維奚斯歌魯。麥邱獻齊。幼之祝長。與下之祝上。其義云然。曷敢有辭。嚮余肄業本邑中學。畧讀康德人心能力論等書。深嘆西哲制行之謹嚴。復嘆其議論之精警。西哲書中所謂社會敬老之禮應行之勿替者。正以其學問經驗可沃後進也。此與秦誓所云尙猷詢茲黃髮。則罔所愆。不其同出一轍耶。回憶民十之交。先生主講中學。光風霽月。卓然有儒者氣象。其討論史事。洞中肯綮。執一以御萬。而政教大原。人事得失。莫或隱遁矣。卒業後。余求學南北。旅食四方。時先生亦退居林下。頤養天和。不獲捧手受教者。於茲已十稔。歲初先生就養省垣。余適自南洋回國。進謁先生於旅邸。蒼顏白髮。鬢鏤如昔。斯真所謂國之祥。人之瑞也。於時哲嗣逸志君自歐洲考察歸。謀所以娛親志者。金盤展瑞。慶日舒長。此蓋承歡之大者耳。逸志君嫻習韜畧。運籌帷幄。上官深器識之。丁茲國防建設。需材孔殷。建樹之機會正多。孝經曰。立身行道。揚名於後世。以顯父母。爲人子者不當如是耶。余十載以來。淹留無成。有負親師教育之恩。日覩師門之昌盛。穆然深念。第論事之本末如此。先生聞之。倘肯爲盡一觴乎。

知甲戌畢業同學錄序

餘杭章君曰。老聃仲尼而上。學皆在官。老聃仲尼而下。學皆在家人。私人講學著述之風。

其起於春秋戰國之世歟。古者學在王官。官守其書。師傳其業。官守學業。皆出於一。自周室東遷。王綱失墜。學術分裂。諸子爭鳴。儒墨老莊陰陽名法。各有祖述。齊足並馳。而根柢之深。壁壘之嚴。門徒之衆。流衍之廣。實踐之篤。則推仲尼墨子爲巨擘。蓋學術一尊。已成陳跡。思想自由。從茲啓導。其中消息。固可得而言焉。嬴秦焚書。仇視文史。學者至以吏爲師。然博士猶抱殘守闕。以傳其學。伏生傳經。其最著者。漢建太學。人材蔚起。而扶風講學。康成獨集其大成。隋唐之際。戎馬倉皇。而河汾傳授。文中獨標其大義。下至宋明諸儒。創立書院。傳授門徒。闡明身心性命之源。講求修齊治平之道。其於禮樂教化。固不無小補也。我國自興學以來。迄今三十餘載。公私學校。林立四方。畢業生徒。後先背望。而論其效率。未甚明著。其弊果安在哉。豈教養之道未得。抑士之聰明樸茂之質。有遜於前也。本校屹峙南中。規模宏偉。四方來學者相接踵。每屆畢業者以百數十計。類多成材而去。其於近代教育。已盡涓埃之效。蓋課程標準。一依於教部。而求知致用宗旨。則揭鑿於多士之前也。甲戌六月畢業去者。凡高中三班。初中四班。班代表阮君麗英徵序於余。爰書所感而歸之。

經訓班結業序

夫五經既畢。忽屆而立之年。三史皆通。兼治專門之業。故承學者。務底於大成。而懷珍者。曷甘於小受。窮薪爲火。上接洙泗心傳。探本尋源。旁搜關閩統緒。金聲玉振。竊附游夏之

文。內聖外王。宜學顏曾之哲。畧陳經義。且著卮言。嘗聞乾坤開簡易之風。咸恆明感通之義。自強行健。虛受和平。雲雷之屯。居貞是務。澤水之困。致命是圖。蓋所以明天人。非盡有關禍福。若典謨以著大訓。洪範以叙彝倫。夏禹治水。刊木隨山。湯武順人。鼎新革故。憂勞之旨。身體力行。誠懇之言。耳提面命。又誦詩以求專對。多識以明形名。於二南知王化之流行。於小雅痛四夷之交迫。哀神州之板蕩。傷國運之凌夷。宜歌矧載之詩。且賦袍澤之句。至誦內則之篇。羨威儀之棣棣。讀大同之記。識精義之皞皞。運轉四時。天秩五禮。聲名洋溢。文物燦然。若乃過陳不式。解尼山之痛辛。救燕存邢。誌小白之神武。申三統之義。志在殷周。大九世之仇。心存邦國。刊於載記。俱屬名言。求之羣經。不爲章句。余學慚賈鄭。識遜段王。類同書筭。免似孝先之見識。早竊臬比。勸同正叔而遊處。今茲作序。聊吐心聲。追思昔遊。猶在心目。通經致用。敢期期於諸君。挖雅揚風。比諤諤之一士。用陳既往。佇俟將來。

吊高奇峯文 代作

閱哲人之凋謝兮。哀時命之不齊。悲天風之琅琅兮。洒零雨之淒淒。彼秦佚之三號兮。至人和以天倪。繫桑戶之長歌兮。嘆永逝而分携。維先生之高潔兮。實藝苑之英華。馳丹青之妙譽兮。要思歸於無邪。窺桐川之山水兮。息塵俗之紛拏。描南田之花鳥兮。珍重籠以碧紗。踵道子之人物兮。現諸仙於丹霞。雄獅白馬與海鷹兮。更媲美而堪誇。吁嗟乎。靈運二寶。振遺烈兮。

愷之三絕。推人桀兮。神理法度。躋前哲兮。汗流籍湜。超良馱兮。又重而訊之曰。宣尼淚救。西狩獲麟兮。九閼莫應。奪此天民兮。善人國紀。譬彼貞珉兮。道原美學。唯求其真兮。吉光片羽。尺縑足珍兮。金章紫帶。禮異類仍兮。治任赴德。寢疾滬濱兮。空對瓊蕊。遽損其身兮。嗚呼哀哉。遠歸喪於百粵。豈狐死必首邱。慕先生之節義。蓋有類乎田疇。效馮驩之焚券。宜子房之封留。位在壘之上九。固不事乎王侯。惟沒哀而存榮兮。沉激濁而揚清。荷寵命之錫降兮。叨陪葬於山陵。靈輒在發兮。白駒悲鳴。路人增欷兮。親交失聲。孤嗣翩翩兮。形影楚楚。含哀長慟兮。血淚交頸。吁嗟先生兮。永安幽冥。

祭胡展堂先生文 一代作

猗嗟胡公。黨國元良。器識淵懿。學粹行方。翊戴總理。主義是昌。攘夷排滿。績著旂常。不朽盛業。誰與頡頏。要令後進。如仰宮牆。公之立法。綱舉目張。公之著述。煥乎文章。公之持論。廉鏗秋霜。公之行己。莊敬日強。國難橫溢。強暴猖狂。方期碩德。襄贊中央。昊天弗吊。山嶽沮喪。閩風縹馬。涕淚浪浪。崇德報功。錫以寵命。永妥獅山。萬流仰鏡。峴首登臨。有懷叔子。春者不相。猶思百里。遺愛在人。明德誰似。溥溥零露。青青松柏。億萬斯年。焜耀金石。嗚呼。豐碑屹屹。白雲仍秋。夢回雞塞。浩蕩關愁。正色持危。風雨同舟。魂其歸來。宏我壯猷。哀哉。尙饗。

祭胡展堂先生文二代作

於休先生。命世之英。含光醇德。爲士作程。元精應運。文理庚庚。輔佐孫公。倡導同盟。驅除建酋。振我天聲。闡揚主義。士氣恢宏。緬懷先覺。若見牆羹。嗚呼先生。堅芳明潔。確乎其操。凜然大節。洋溢聲華。昭明日月。直道正辭。或語或默。盡瘁鞠躬。身殉邦國。星斗忽南。薄海震悼。寵命迭頒。摛其光耀。崇封屹屹。豐碑峨峨。綿綿翼翼。如山如河。會葬太邱。四方畢至。咨爾卿士。遠近來止。靈輻發引。風盪旂旆。涕屑松楸。悲覽蘭芷。嗚呼。六合茫茫。百年鼎鼎。易散風流。驚心鞭影。淚灑牛山。神藏獅嶺。赫矣天民。願言無竟。哀哉 尙饗。

醫師蔡君墓誌銘

君諱連芍。字卓文。瓊之文昌人。祖父仲書。父希儒。世業醫。宅心仁愛。異乎今之弋聲名。鶩貨利者。君生性孝友。方其少時。喜讀仲景書。思繼志述事。初肄業文昌縣立中學。卒業後買棹赴杭。入浙江中醫專門學校。孜孜矻矻。探其幽妙。師亟稱之曰賢。既卒業。回瓊任海口惠愛醫院主任。君學養純粹。出其餘緒。活人濟世。補陰陽之缺憾。奪造化之天工。瓊人至今稱道弗衰。卒年三十有四。某年某月葬於邊田村之南。妻范氏無子。以姪步稅爲後。君兄連蒼。余之石交也。遠客南甯。以狀屬爲之銘。乃銘曰 醫身醫心醫之理。強國強種君之志。扶衰救敗任約劑。眇者能視跛者履。奈何一瞑竟不起。明德之後誰與繼。顯君奚語於文字。可鑄玄石傳千祀。

文昌蔡夫人墓誌銘

夫人林氏。北平師範大學理學士。廣西教育廳督學。蔡君連蒼之妻。同邑林樹梓公之第六女。年十七于歸。事其舅姑而順。相其夫子而宜。恭謹有禮。謙柔不亢。敏女紅婦事。連蒼遊學廣州北平。從師十載。劬學不倦而無後顧憂。夫人與有力焉。卒年三十有三。生子男子二。長步榜十一歲。次步棟三歲。子女子二。年俱幼。某年某月葬於邊田村之南。銘曰 在村之南。有幽新宅。上植松楸。下瘞玄石。夫瓊蔡姓。母氏維林。淑慎其德。金玉其音。既安既妥。卜其有玉。

琼山成君墓誌銘

琼山成君諱甫。字弼文。祖諱某某。考某某。君少從永興黃汝明學。資質甚美。以家貧。年十六遂輟學。隨父行商墟邑間。棄文史。爲負販。上不違親心。下不失本業。其志可嘉已。又數年。君已長成。以蟄居鄉井不能有爲。浮海而之新嘉坡。營商其間。處事接物。一衷之以信義。同業均服其德焉。後以經濟不景影響。乃收束所業歸里。仍商於蛟塘墟。孳孳於本業。不疲不餒。君於孝友之道甚備。對里學捐貲亦不少。生平急公好義之懷。不落人後。是又非徒獨善其身者也。民國廿二年以疾卒於家。年廿五。君配文昌吳氏。無子。僅一女。名春鳳。廿五年將改葬於某村之原。君甥蔡生逢茂。請余爲銘。乃銘曰 行昭昭。才粲粲。惟成君。歷諸艱。服賈自

營。遽返其宅。涓涓幽泉。青青松柏。伴此幽宮。歷禩千百。

黃母藍太夫人八秩開一壽言 代作

余夙昔從政。職掌文教。每聞節孝之事。貞烈之行。足以風末世而勵來茲者。未嘗不悚然起敬。穆然深念。余友黃君汝森。茲以其太夫人八秩開一。將捧觴上壽。徵言於余。故慨然承諾而不辭。太夫人藍氏。河源諸生黃公達五之淑配。同邑庠生品堅公之女也。系出名門。秉性賢淑。事翁姑以孝。處妯娌以和。侍長老以敬。御僮僕以恩。持身儉樸。井臼躬親。東方婦女之美德。當之實無愧。然不遭家難。不足以見艱貞。不遇歲寒。不足以知松柏。達五先生中年捐館。遺孤尙幼。太夫人哀吟白鵠。矢志柏舟。苦心孤詣。以教以養。嚴父慈母之職。一身銳以自任。日月逾邁。數十年來賴太夫人旋轉乾坤之力。絀者盈。坎者平。先後爲四兒完婚。一女遭嫁。暨裁成汝森及諸孫學業。厥功偉矣。余聞達五先生性孝友。內行淳謹。其志業未竟而卒。惟太夫人以節義貞烈報之。上以明人倫。下以振家聲。令子四人。長某某業商。次某某從政。又其次某某居鄉。四曰汝森。畢業於國立廣東高等師範及中山大學。歷任各專門學校教員。花萼聯輝。兄弟皆能持躬清白。砥礪廉隅。社會賢達。樂與爲友。微太夫人之力不及此。今冬十月爲太夫人八秩開一壽辰。金萱日暖。梅蕊介和。其族黨戚串壽太夫人者。咸祝其福壽無疆。余謹著其大者於篇。以爲世教勸。並以代侑觴焉。

懷冰室集文 丙編

知用中學民三十年級畢業同學錄序

蓋聞考里居者。每歷念於枌榆。談種姓者。尙縈情於葛藟。是以應運生才。不拘一格。乘時立業。毋變本宗。何況滄海橫流。深切生民之戚。小雅盡廢。凜懷國族之思。然而儒者生平。先憂後樂。孔門志事。內聖外王。諸君負笈相從。倏經三稔。不慧操觚有作。未備四時。在昔韓公報書。冀籍湜之勿畔。歐子贈序。勗無黨以修名。敢竭鄙誠。特陳斯義。諸君其或棘闈告捷。講肄上庠。應事覃思精研。庶幾鈎玄提要。聲光電化。探其新知。動植飛潛。明其條貫。治和緩之術。矢志活人。讀管商之書。存心濟變。亦玄亦史。披誦韋編。乃武乃文。修我兵甲。此應以學術自勉者一。抑或世網攫人。導乎先路。當知軒昂發奮。切戒鄙俗庸愚。海客談瀛。乘風破浪。書生報國。披髮纓冠。丁聽鼓之年。化民易俗。挾生花之筆。衛道立言。有守有爲。堅如磐石。無愧無怍。貞若喬松。此應以事功自勉者一。若乎車笠舊盟。不忘要約。鐘鼓譬喻。可證聲聞。勵薄俗。勉來茲。此則有望諸君者也。披圖想象。等閒白了少年。臨別贈言。尙猷詢茲黃髮。醒滄洲之夢。渺渺予懷。作金匱之藏。煌煌巨冊。是猶覽登科之錄。訂勛閱於他年。稱必世之仁。重修能於此日者矣。

羅孟章教授父母六十雙壽序

嘗聞親舍載瞻。白雲無極。南陔云采。愛日常暉。孟章教授性行淑均。效重華之思慕。孝思不匱。類穎叔之稱聞。羊棗烹鮮。更期養志。萊衣戲綵。惟念娛親。迺陳褒德之詞。謹作壽言之獻。太翁允遙先生。少居鄉井。務本勸農。閒集市廛。持籌握算。貨殖之興。惟勤不乏。厚生之具。知足常安。若迺色難事母。辨於纖毫。推惠及人。卹乎窮困。游俠以濟難。故坎者不虞。稱物以平施。庶多者益寡。是則仁孝之稱。其來有自矣。先生平居律已精嚴。持躬刻苦。劬勞頓撼。竭精做神。繭足龜手。有如墨翟之勞。非食惡衣。庶幾夏禹之儉。何況連抱之木。雪虐風饑。莫邪之鋒。千錘百鍊。昔在丁年。偶嬰羸疾。然衛生之經。早聞於柱史。綠督之說。有契於蒙莊。存天機。節嗜欲。循是精神以存養而強。智慮以觀化而邃。先生之克享大年。飲譽鄉國。詎不以此歟。太君黃氏。鹿車來挽。瑤瑟斯調。婉順禮事姑嫜。敬戒無違夫子。貞剛則玉石非質。衍慶則蕃椒盈升。是以五桂多男。同符竇氏。江東選婿。有類喬公。目今蘭茁其芽。孫枝挺秀。閒扶鳩杖。聽雛鳳之清聲。醉酌兕觥。辦中廚之豐膳。滿門慈孝。舉室熙和。蓋人倫之樂事也。固知康強逢吉。仁壽夙徵。美意延年。純釐錫祐。喜北堂之日永。萱草忘憂。誌東海之祥符。靈椿不老。鈞天廣樂。徒瓦奏而桴宣。小技雕蟲。聊侑觴而僕爵。謹序。

鄭良懷先生暨德配魏夫人八十雙壽序

夫康強逢吉。著于箕疇。柔順利貞。明于易象。故繹論乾德。史錄莊姜之文。慎抑威儀。詩

廣衛武之什。豈不以扶翼世教。有賴碩人。輔弼彝倫。足敦厚俗云爾哉。若良懷先生暨德配魏夫人。徵其福祉。詳其行事。良足風也已。先生家承通德。系出清門。練江荆基。莆田衍脉。實詩書之世胄。本孝弟而務農。懋遷化居。流通泉布。端木億中。無復憂貧。白圭治生。頓成富有。夫人淑德幽嫻。容止足式。賃春既同德曜。耕作惟偶泉明。不匱惟勤。去奢崇儉。妯娌輯睦。族鄰咸欽。斯亦人倫之懿範。鄉里之楷模也。先生有丈夫子三人。長際嘉。次際興。三際瑞。比薛家之三鳳。羽翰凌霄。擬荀氏之八龍。鱗鱗縱壑。威能克紹箕裘。用盈筐篚。荆業則碁布星羅。貨運則雲馳電掣。是以鄭氏一門。紡紗之業。甲于嶺東。魚鹽之饒。饋乎粵北。蓋非徒裕家。亦所以富國焉。長君際嘉等。仰體親心。好行其德。每歲于汕頭誠心善堂。暨潮陽各善堂。首捐巨貲。掩骼埋胔。贈衣施粥。河潤百里。功惠十方。斯則仁壽之徵。其來有自也。潮陽南山各中學。偶呼將伯。迭獲資助。由是講藝有堂。棲士有舍。菁莪雅化。桃李敷榮。此詎非大有裨益於教育者歟。夫躬行忠信者。鄙夷虛僞。崇修道義者。膺受多福。淵默足以定神。清靜足以守形。宜天錫之嘏。神貺之禎矣。民國紀元三十有二年。夏歷。歲在昭陽協洽。爲先生八秩開四。夫人八秩開一雙壽佳辰。庭階日永。蘭桂斯馨。際嘉等謀稱觴上壽以娛親意。而先生以國步艱難。民生顛頓。不欲鋪張。宜事撙節。更省費萬餘金。施諸窮乏。美意延年。由茲可卜。家兄乃勛適綰篆南山。既嘉先生暨夫人之能樹範鄉邦。與際嘉等之善娛親意。爰馳書命序以代侑觴。時則朱夏斯今。花開菡萏。甘瓜浮水。景風扇和。肆筵既設。衆賓醉止。麥邱之祝。足介繁祉也。

黃介軒先生碑

先生諱陳。字介軒。連縣東陂人。生秉良彝。好是懿德。聰穎好學。總修百行。潛隱邱山。童蒙是賴。克己復禮。仁而愛人。其爲道也。不覲榮寵。不慕聲華。敦本務農。善治生計。駸駸乎富潤其屋。德潤其身矣。夫稱物平施。積財能散。損上益下。其道大光。先生民胞物與。惠及窮乏。助秀士以膏火。貸貧農以餘田。平糶以救荒。貸金以經紀。異乎世之囤積居奇。重盤剝利者。若乃丕顯文明。捐資興學。膺政府之褒揚。昌導福利。築路修橋。受社會之信賴。斯固昭彰于邦人士之耳目者。昊天不弔。享年六十有一。以中華民國三十二年五月遘疾卒于家。有丈夫子二人。長欽忠。早卒。次欽怡。掌教鄉學。有能名。文孫二人。長曰鏡湖。肄業南雍。乞銘于余。乃作銘曰。

國尊者老。世稱善人。於休先生。邦之搢紳。直道正詞。大雅扶輪。上壽未臻。蛻形存神。積善餘慶。子孫稱賢。繼繼繩繩。薪火以傳。咨爾來業。視此韋弦。

黃樹燭君誄

中華民國三十一年。某月某日。故太學生台山黃樹燭卒。嗚呼哀哉。長流損川。屢照疲鏡。化城忽返。不幸短命。天道幽遠。鬼神難恃。遭此百罹。殲我吉士。死生流轉。先民所嘆。美以